


詩苑衆芳



詩苑叢芳

宛委別藏影元鈔本

故宮博物院委託
商務印書館景印
原書葉心高十八
公分寬十四公分



詩苑衆芳

吳郡梅谿劉瑄伯玉敬編

長樂潘氏

名勃字庭堅號紫巖乙未榜鼎魁甲辰歲嘗仕于吳

涵空閣

危欄貪倚眺薄暮不能休直下疑無地
滿前都是秋晚山平入畫新月側當樓
莫說興亡事吟人本白頭

虎上分韵得落字

急雨成快晴晚日射林薄院靜輓轡聲

崖古枇杷落澄泓有潛鱗寥廓無歸鶴
明年當掛冠吾志在仁壑

次陳仲文八月十二夜韻

癡雲吹盡月行天新琢冰輪欠半邊須
信缺中元不缺便教圓處可長圓寒生
沙渚鴈初下冷浸紗窗人未眠萬事虛
盈皆此類幾看如鏡復如弦

雪中聽絳州鄧道士琴

黃冠家萬里忽此動瑤琴歲暮多風雪

天涯少信音淒涼當日事寂寞此時心
我醉君休去蒲團共夜深

曹娥廟

一川紅漲夕陽波
幼婦碑殘鎖綠蘿
不止但爭三十里
曹繡元不識曹娥

書趙知院墨梅後

疎蘂暗藏春意足
橫枝老閱歲華深
廣平能賦公能畫
總是平生鐵石心

浦城章氏

名康字季思號雪崖隱居
吳門終身不仕

秋興

有客凋雙鬢吟秋費幾詩
天高鳥去疾雲薄雨來遲
日落山川迥風回草木悲
追尋十年事佇立獨多時

遷居親戚携酒見過

老吾元住雪邊崖萬事無堪兩鬢華
頃歲西河方借宅今年東野又般家
巷深政恐難邀客地空何妨學種花
多謝所親相暖熱新生涯即舊生涯

建安黃氏

名簡字元易號東浦隱居吳郡光福山與雪厓爲友

過沈尚書墓

履聲推早達日燕自林泉
浮世若無死貴人真是仙
從容將八袞掩忽便千年
墓上青松合豐碑竟不鏤

懷古

翠裘紅遮艷粉圍春風
夜夜可曾歸十年再撫
章臺馬巷陌人家太半非

題謝一犁春雨圖

此是南塘所作誤刊于前

久客長安思野人今年糴貴更愁新江
蕪漠漠春多少展卷聊尋夢裏身

古汴趙氏

名汝談字履常號南塘

洞霄觀水

峽口蒼蒼放水時乾風吹落面前詩可
憐無地遮秋色流出千山也自奇

寄趙昌父

楊柳風吹社雨晴櫻桃花發野塘春歸
來依舊青山好白髮看山有幾人

新定方氏

名萬里字鵬飛號蕙巘

登雲巘塔二絕

湖迥山明玉宇澄
浮圖絕頂快高登
天風吹我今宵夢
多在瑤臺十二層

窄堵崔嵬置曲闌
不知身在碧雲端
墨題便是慈恩約
只尺聯鑣上廣寒

吳郡鄭氏

名起潛字子升號立菴

和蕙巘登塔韻

秋向空高分外澄
排雲携手共梯登
舉

頭便是蟾宮路休問青霄有幾層
魏倚浮圖幾曲闌遠山屏翠擁林端鵬
程便好乘風上不管瓊樓高處寒

題淵明採菊圖

閑却經綸手東籬把菊枝先生花外意
難畫亦難詩

題蜀道難圖

蜀道難從古于今分外難江山風景在
忍把畫圖看

廬陵文氏

名天祥字宋瑞號文山

寄題琴高臺

涇水紺以深古有神人潛靈鮪煦春藻
微波漾幽瀾朝岑翳長嵐暮汎曖蒼烟
回首宋康王於今定何年飛僊已高邁
遺蹤落清淵至今空山夜泠泠琴上絃
西瞻暎靄中霞光輝遠天何當駕長風
一睨涇水連

高安郡治有堂名碧落誠齋楊文

言苑集卷之五
五
節公在郡時賦詩八章庚申兵火
堂亦不免後四年余自著庭出守
爲之起廢甲子秋堂成復刻誠齋
詩於其上重九日携客落之遂賦
是詩

大厦新成燕雀懽與君聊此一偷閑地
居一郡樓臺上人在半空烟雨間整葺
復還新宇宙感傷重憶舊江山晚秋又
報西風緊頗覺憂時鬢欲斑

都梁李氏

名迪字惠叔號愛梅

挽文朝奉

狀元之父

散盡黃金爲買書時人笑我太癡愚一
朝有子如堯叟何處無人說老蘇可謂
死而無憾者孰云文不在茲乎淵明地
下聞君葬也散黃花作淚珠

自題愛梅

我被梅花惱幾年梅花纔發便詩顛月
明遶却梅花樹直入梅花影裏眠

東吳鄭氏

名傳之字希聖號稻田翁

戊寅臘望會友雙峨得薪字韵

雙峨文會友生意藹如春風轉聞啼鳥
冰銷想躍鱗焚香溫宿火煑茗藝枯薪
一座惟吾老欣然得句新

古栝何氏

名宗斗字南一號小村

題釣臺

貧賤漁蓑却耐交故人牽率政徒勞十
分拂袖歸來是何似當時莫去高

吳郡蔣氏

名恢字宏道號菊圃散人

舟回練塘

柁轉秋塘迥寒光徹萬尋
葉聲風外急吟思雨中深
白髮存公道青山適素心
踈鐘何處起暝色正沉沉

野色

幽事每堪娛秋深晚霽初
帆分江影破風勒鳥行踈
山色美無度稻花香可書
逍遙今夕意未厭短轅車